



Na osnovu člana 15. Zakona o Upravi za indirektno oporezivanje („Službeni glasnik BiH“ broj: 89/05), a u vezi s članom 12. Odluke o postupku oslobađanja i povrata akcize i putarine po osnovu primjene međunarodnih ugovora („Službeni glasnik BiH“ br: 26/08 i 92/08), direktor Uprave za indirektno oporezivanje, d o n o s i

**INSTRUKCIJU
O PROVEDBI POSTUPKA POVRATA AKCIZE I PUTARINE PO OSNOVU
MEĐUNARODNIH SPORAZUMA**

Član 1.
(Predmet)

Ovom Instrukcijom propisuje se nadležnost za vođenje postupka po zahtjevima za povrat akcize i putarine po osnovu međunarodnih sporazuma, nadležnost za donošenje rješenja, nadležnost za donošenje rješenja po žalbi na prvostepeno rješenje, nadležnost za izvršenje rješenja kojim je odobren povrat i obaveza vođenja evidencije i izrade softverske aplikacije.

Član 2.
(Nadležnost za vođenje postupka povrata)

Za vođenje postupka po zahtjevima za povrat akcize i putarine po osnovu međunarodnih sporazuma, nadležna je Grupa za pružanje usluga poreznim obveznicima Odsjeka za poreze u Regionalnom centru Sarajevo.

Član 3.
(Nadležnost za donošenje rješenja o povratu)

Šef Grupe za pružanje usluga poreznim obveznicima, u skladu s odredbama Zakona o postupku indirektnog oporezivanja („Službeni glasnik BiH“ broj: 89/05), donosi rješenje o povratu, ukoliko su ispunjeni uvjeti propisani Odlukom o postupku oslobađanja i povrata akcize i putarine po osnovu međunarodnih sporazuma („Službeni glasnik BiH“ br. 26/08 i 92/08).

Član 4.
(Nadležnost za rješavanje po žalbama
izjavljenim na prvostepena rješenja o povratu)

Prvostepenu odluku po žalbi izjavljenoj na rješenje iz člana 3. ove Instrukcije, donosi šef Odsjeka za poreze u Regionalnom centru Sarajevo.

Član 5.
(Nadležnost za izvršenje rješenja)

Povrat akcize i putarine na osnovu izvršnih rješenja Odsjeka za poreze u Regionalnom centru Sarajevo - Grupe za pružanje usluga poreznim obveznicima, vrši Sektor za poslovne usluge - Odsjek za finansijsko upravljanje. Troškove transakcije sredstava snosi Uprava za indirektno oporezivanje.

Član 6.
(Vođenje evidencije i izrada aplikacije)

Evidencija o korisnicima prava na povrat akcize i putarine i iznosu akcize i putarine za koji je odobren povrat se vodi elektronski od strane Grupe za pružanje usluga poreznim obveznicima Odsjeka za poreze u Regionalnom centru Sarajevo, a evidenciju o oslobađanju od plaćanja akcize i putarine prilikom uvoza vodi nadležna organizaciona jedinica Sektora za carine. Sektor za informacione tehnologije je dužan da sačini softversku aplikaciju za vođenje evidencije.

Član 7.
(Stupanje na snagu)

Ova Instrukcija stupa na snagu danom objavljivanja u „Službenom glasniku BiH“.

Broj: 02-3462/08
Datum: 24.12.2008. godine

DIREKTOR
Kemal Čaušević